

Komisioni për Mbrojtjen e Konkurrencës, në bazë të nenit 28 dhe nenit 19 paragrafi (1) pika 2) të Ligjit për Mbrojtjen e Konkurrencës (“Gazeta Zyrtare e Republikës së Maqedonisë” nr. 145/10, 136/11, 41/2014, 53/16, 83/18 dhe “Gazeta Zyrtare e Republikës së Maqedonisë së Veriut” nr. 208/24 dhe 16/25), dhe duke vepruar sipas njoftimit për përqendrim të parashtruar nga Knorr-Bremse shoqëri me përgjegjësi të kufizuar, me seli të regjistruar në Beethovengasse 43-45, 2340 Mödling, Austri, Mario Tutiq, shtetas i Republikës së Kroacisë, XXX dhe Roberta Latković Tutiq, shtetase e Republikës së Kroacisë, XXX, përmes Dejan Knezović, avokat nga Shoqëria e Avokatëve Knezović dhe bashkëpunëtorët nga Shkupi, në seancën e mbajtur më datë 09.03.2026, miratoi këtë:

AKTVENDIM

1. Konstatohet se përqendrimi me të cilin Knorr-Bremse shoqëri me përgjegjësi të kufizuar, me seli të regjistruar në Beethovengasse 43-45, 2340 Mödling, Austri, Mario Tutiq, shtetas i Republikës së Kroacisë, XXX dhe Roberta Latković Tutiq shtetase e Republikës së Kroacisë, XXX, do të fitojnë kontroll të përbashkët mbi Shoqërinë për prodhim, tregti dhe shërbime EKA SHPKNJP Shkup me seli në rr. Aleksandar Urdarevski nr. 30-94, Shkup, Republika e Maqedonisë së Veriut, përmes shitblerjes së pjesëve, edhe pse bie nën dispozitat e Ligjit për Mbrojtjen e Konkurrencës, nuk do të ketë si pasojë parandalimin, kufizimin ose shtrembërimin e konsiderueshëm të konkurrencës efektive në treg ose në një pjesë thelbësore të tij, veçanërisht si rezultat i krijimit ose forcimit të pozitës dominuese të pjesëmarrësve, **dhe është në përputhje me dispozitat e Ligjit për Mbrojtjen e Konkurrencës në kuptim të nenit 19 paragrafi (1) pika 2) të Ligjit për Mbrojtjen e Konkurrencës.**

2. Detyrohet parashtruesi i njoftimit për përqendrim të paguajë taksë administrative për njoftimin për përqendrim në vlerë prej 6.000,00 den. dhe për aktvendimin në vlerë prej 30.000,00 den., sipas numrit tarifar 34 të Ligjit për taksat administrative (“Gazeta Zyrtare e Republikës së Maqedonisë” nr. 17/93, 20/96, 7/98, 13/01, 24/03, 19/04, 61/04, 95/05, 7/06, 70/06, 92/07, 88/08, 130/08, 6/10, 145/10, 17/11, 84/12, 192/15, 23/16 dhe “Gazeta Zyrtare e Republikës së Maqedonisë së Veriut” nr. 151/21) në llogarinë e Buxhetit të Republikës së Maqedonisë nr. 100000000063095, llogaria e pagesës 840...03161, shifra e të ardhurave dhe programi 72231300.

3. Padia për ngritjen e kontestit administrativ nuk e shtyn ekzekutimin e aktvendimit.

A r s y e t i m

Në përputhje me dispozitat e nenit 15 të Ligjit për Mbrojtjen e Konkurrencës (në tekstin e mëtejshëm: Ligji), më datë 09.02.2026, dhe plotësuar më 13.02.2026, në Komisionin për Mbrojtjen e Konkurrencës (në tekstin e mëtejshëm: Komisioni) u dorëzua njoftim për përqendrim nga Knorr-Bremse shoqëri me përgjegjësi të kufizuar, me seli të regjistruar në Beethovengasse 43-45, 2340 Mödling, Austri, Mario Tutiq, shtetas i Republikës së Kroacisë, XXX dhe Roberta Latković Tutiq shtetase e Republikës së Kroacisë, XXX, me të cilin të njëjtët do të fitojnë kontroll të përbashkët mbi Shoqërinë për prodhim, tregti dhe shërbime EKA SHPKNJP Shkup me seli në rr. Aleksandar Urdarevski nr. 30-94, Shkup, Republika e Maqedonisë së Veriut, përmes shitblerjes së pjesëve.

Komisioni filloi me shqyrtimin e Njoftimit në ditën e pranimit të tij dhe, në bazë të të dhënave të dorëzuara në Njoftimin për përqendrim, plotësimeve dhe shtojcave të tyre, konstatoi sa vijon:

Aktivitetet kryesore afariste të ndërmarrjeve të përfshira:

Knorr-Bremse Austri zhvillon dhe prodhon sisteme për automjete hekurudhore, duke përfshirë sistemet e frenimit, sistemet e dymave, sistemet e sinjalizimit, komponentët dhe nënsistemet për furnizim me energji.

Knorr-Bremse Austri është pronar i Shoqërisë për prodhim, tregti dhe shërbime me emrin EKA SHPKNJP Shkup me seli të regjistruar në rr. Aleksandar Urdarevski nr. 30-94 Shkup, me veprimtari prioritare: prodhimi i instrumenteve dhe aparateve për matje, testim dhe navigim.

Z. Mario Tutiq dhe znj. Roberta Latković Tutiq kontrollojnë dy ndërmarrje të regjistruara në Kroaci dhe Serbi, përkatësisht RMT GRUPA shpk për tregti dhe prodhim, me seli të regjistruar në rrugën “Josipa Strganca” nr. 4, Zagreb (Qyteti i Zagrebit), Kroaci, dhe Shoqëria me përgjegjësi të kufizuar për tregti dhe shërbime RMT GRUPA shpk Beograd, Vračar, me seli të regjistruar në rrugën “Braća Radovanović” 19, kati i 6-të, ap. 56, Beograd (Vračar), Serbi.

Veprimtaria kryesore e RMT Grupacionit është të përfaqësojë prodhuesit me renome botërore të pjesëve rezervë dhe pajisjeve, të cilat përdoren kryesisht në hekurudha dhe në industri të tjera në tregun vendas dhe atë të huaj.

Z. Mario Tutiq dhe znj. Roberta Latković Tutiq nuk kanë të regjistruar asnjë person të lidhur në Republikën e Maqedonisë së Veriut, dhe as nuk kanë realizuar ndonjë të ardhur në tregun e Republikës së Maqedonisë së Veriut.

Aktiviteti afarist i EKA SHPKNJP Shkup është zhvillimi, prodhimi dhe shitja e pajisjeve të ndryshme testuese për sektorin e industrisë hekurudhore, si dhe ofrimi i shërbimeve të pas-shitjes dhe mirëmbajtjes së pajisjeve në fjalë.

Komisioni konstatoi se përqendrimi i njoftuar bie nën dispozitat e Ligjit, pasi plotëson kushtet nga neni 12 paragrafi (1) dhe nga neni 14 paragrafi (1) pika 1) dhe 2) të Ligjit për Mbrojtjen e Konkurrencës.

Komisioni, duke marrë parasysh kriteret nga neni 17 paragrafi (2), paragrafi (3) dhe paragrafi (4) të Ligjit për Mbrojtjen e Konkurrencës dhe pikës 6 b) të *Udhëzimeve për përcaktimin e rasteve në të cilat gjatë vlerësimit të përqendrimeve Komisioni për Mbrojtjen e Konkurrencës zakonisht do të konstatojë se të njëjtat janë në përputhje me Ligjin për Mbrojtjen e Konkurrencës*, vlerësoi se përqendrimi i njoftuar, megjithëse bie nën dispozitat e Ligjit, është në përputhje me të pasi nuk do të ketë si pasojë pengimin, kufizimin ose cenimin e konsiderueshëm të konkurrencës efektive në treg ose në një pjesë thelbësore të tij, veçanërisht si rezultat i krijimit ose forcimit të pozitës dominuese të pjesëmarrësve.

Duke marrë parasysh këtë vlerësim të përqendrimit, Komisioni vendosi si në dispozitivin e këtij Aktvendimi, në përputhje me nenin 19 paragrafi (1) pika 2) të Ligjit.

Në përputhje me nenin 53 paragrafi (2) të Ligjit, padia nuk e shtyn ekzekutimin e aktvendimit.

Udhëzim për mjetin juridik:

Kundër këtij aktvendimi mund të paraqitet padi për ngritjen e kontestit administrativ pranë Gjykatës Administrative në afat prej 30 ditësh nga dita e pranimi të aktvendimit.

KOMISIONI PËR MBROJTJEN E KONKURRENCËS

KRYETARE

Mr. Малинка Силјановска Николиќ